

太上黃籙齋儀卷之十三五十四卷 寶王

唐廣成先生杜光庭集

特勅為臣下消災濟旦行道

入戶

各禮師存念如法

衛靈

青陽虛映 曜日回靈 神虎辟邪

飛天流鈴 推奸誅試 萬魔束形

九微回道 八威攝精 千具校錄

三元蕩清 左嘯中黃 右策六丁

七轉八合 周旋天經 聖化觀觀

三道順行 慶雲流布 合景黃庭

鳴法鼓二十四通

无上玄元太上道君召出臣身三五功曹左

右官使者侍香金童傳言散花玉女五帝直

符直日香官各三十二人出出者嚴裝關啓

玄壇天帝神君當召此間土地里城具官正

神以今奉為入意析恩玉關進拜丹書願得

玉清道炁靈寶妙光下降流入臣等身中使

紫精鬱勃玉關開明五老輔根萬帝攝真體

圓珠映乘景驂宸金光煥赫御忝上清令臣
所啓速速徑御

太上无極大道無形無名虛无自然金闕玉

陛下

神霄九慶上帝御前

請稱法位

上清玄都大洞三景弟子无上三洞法師奉

行黃籙大齋消災祛事某獻先生某帝真人

謹同誠上啓

虛无自然元始天尊无極大道太上大道君

高上大道金闕玄元天皇大帝太上老君高

上玉皇十方已得道大聖衆至真諸君大人

三十六天帝君玉虛上帝玉帝大帝東華南

極西靈比真玄都玉京金闕七寶玄臺紫微

上宮靈寶至真明皇道君三十六部尊經玄

中大法師三界官屬一切真靈臣等伏聞道

用無方玄慈下濟延祥致福佐國度人五符

宣制御之威三洞廣護持之力除災解厄滅

罪延生億劫常存古今感仰所以龍書鳳劄

河圖申有過之文綠籍未編太一垂憐災之

品勵精誠於下土契昭感於上清惟善是從
有祈必應况承詞旨敢不上聞

皇帝青詞謹當宣奏

讀詞

按如詞言所宜關奏

皇帝承天布化體道臨人懼一物之失宜欲

萬方之皆泰遐開壽域以納羣生以某官炎

運所纏用希消解備香花而展禮質龍絲以

馳心注仰玄關允祈鴻禧以今清旦行道請

法衆等運茲初捨上香

願此香煙騰空徑上供養

无上至真道寶臣等歸身歸命首體投地仰

依

太上三尊願以是功德歸流宗桃列聖社稷

尊靈承景祝以登真上朝金闕演殊禱而護

國下固瑤圖駕鸞鶴以道遙比乾坤而遐求

今故燒香自皈依

師尊大聖衆至真之德得道之後昇入无形

和與道合真

以今清旦行道請法衆等運茲二捨上香

願此香煙騰空徑上供養

无上至真經寶臣等歸身歸命首體投地仰

依

太上三尊願以是功德歸疏

皇帝伏觀八溟浩蕩與鳳曆以常存羣嶽魏

我比龍儀而克固莊椿等壽齊日齊明皇后

嬪妃播貞猷於萬宇諸王太子扶膺德於千

齡百揆有倫庶官咸理今故燒香自歸依

師尊大聖衆至真之德得道之後昇入无形

和與道合真

以今清且行道請法衆等通誼三檢上香

願此香煙騰空徑上供養

无上至真師寶臣等歸身歸命首體投地仰

依

太上三尊願以是功德歸流天上天下三界

十方道炁寶蓋萬靈昭泰玄風長育羣品安

貞九幽息冥昧之悲六趣罷輪迴之苦甚官

神功密祐惠力遐霑災厄怨仇隨懺祈而蕩

滌延年注福承齋謝以增新九祖生天六親

蒙祐懷生熏化同沐玄恩今故燒香自歸依

師尊大聖衆至真之德得道之後昇入无形

和與道合真

禮方

懺悔

三啓

樂法以爲妻 愛經如珠玉 持戒制六情

念道道所慾 淡薄正氣停 蕭然神靜默

天魔並敬護 世世享大福

三禮

臣等至心稽首禮

太上无極大道

臣等至心稽首禮

三十六部尊經

臣等至心稽首禮

玄中大法師

重稱法位

上清玄都大洞三景弟子无上三洞法師奉

行黃籙太齋消災法事某獻先生某帝真人

臣謹重伸上啓

太上无極大道元始天尊太上大道君太上

老君十方无極大道道德衆聖三十六部尊

經玄中大法師天師君上相上宰上保上傳

四司五帝三界官屬一切尊靈臣等伏聞清

濁裁成圓方定位神功生化吹萬莫窮鼓之

以玄風沐之以靈澤成之以妙用統之以聖

人故能總天下之機成天下之務配兩儀而

稱大出庶物以居尊有功不宰則與日月齊

華弘道無爲則與乾坤共永況復列封一致

六合爲家惠養必均洪纖靡隔

皇帝推誠撫御體道君臨開仁壽之庭經華

胥之化以爲某官方纏炎否深軫天慈渙發

德音恭修福會備十華之質信披三洞之典

儀坐宣室以冥心望玉虛而稽首觀懺獨潔

以致感通臣等夙稟明科仰遵

玄旨敷壇列纂法地象天以

皇帝所齋金龍紋繒香花油燭依洞玄品格

修无上妙齋騰款十天告盟三界伏冀玉清

衆聖无極高尊俯鑒精虔大弘恩宥勅四司

五帝北極南宮承四極明文奉九龍符命爲

某官於天府地司之內符圖籙籍之中解釋

冤仇和平債訟原銷罪對蕩滌愆瑕除星辰
臨照之災秣年運凶妨之厄積生往世無量
罪因以今懺祈咸蒙除傷即使九玄受福舉
族霽禁年算遐長祿秩增廣千災殄息萬善
咸臻顯天尊拯化之恩副聖主愛勤之願然

乞帝圖隆求聖壽延洪率土普天俱承道果
二儀昭泰三景輝華九穀滋豐五兵韜戢龍
神警衛疫毒無侵懷生息慈歎之音在野有
謳歌之樂飛沉遂性動植舒荼九夜開光三
塗罷對見大道無方之應契聖明有感之祈
普及幽遐俱昇福岸上明
天尊大慈之澤下副百等歸命之誠謹啓以
聞

發念

- 一 念為道四大合德七世父母免墮憂苦上
升天堂衣食自然
- 二 念帝王國主道化興行庠序濟濟皇教恢
弘威儀翼普天所瞻民稱太平四夷賓
伏妖惡自滅聖賢日生
- 三 念法師功德大建教化明達俱獲飛仙

四念同志學人早得仙道更相開度
五念九親和睦好尚仁義貴道賤財行為物
範

六念損已布施道士及飢寒者天下人民各
得其所

七念蠕動跂行一切衆生成蒙成就
八念救貸前生今世罪對立功補過

九念家國隆盛宗廟有人世生賢才

十念專受經師不敢中怠平等一心廣度剋
獲上仙白日登天拜見太上求成真人雲
車羽駕和與道合具

復爐

香官使者左右龍虎君侍香諸靈官當令
上章之所自然生金液丹碧芝英百靈衆真
交會在此洞案爐前令具體耀金輝斬伐胞
根七玄拔摧百關備仙解除死籍宴坐泥丸
東華紀字東景虛玄十方仙童玉女接待香
煙傳戶向來所啓之言速達徑御
太上无極大道無形無名虛无自然金闕玉
陛下

神霄九宸上帝御前

出戶

太上黃錄齋儀卷之十三